



Broj predmeta: 13-000840/22
Broj akta: 01.1-1413EK-0014/22
Datum, 12.5.2022. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25 i čl. 32 stav (1) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-000840/22 od 20.04.2022. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJIH PONUĐAČA

Član 1

(1) U provedenom otvorenom postupku za nabavku usluge otvaranja i vođenja računa u sistemu Jedinstvenog računa Trezora Brčko distrikta BiH – lotovi 1 i 2 za potrebe Direkcije za finansije Brčko distrikta BiH, izabrani su najpovoljniji ponuđači kojima se dodjeljuje okvirni sporazum po pojedinim lotovima za 2022., 2023., 2024., 2025. i 2026. godinu.

a) Naziv najpovoljnijeg ponuđača za Lot 1 je „Sberbank BH“ d.d. Sarajevo.

Lot 1 – Otvaranje i vođenje Depozitnog računa Trezora za prikupljanje poreskih prihoda
Vrijednost okvirnog sporazuma bez uračunatog PDV-a iznosi **6.900,00 KM.**

b) Naziv najpovoljnijeg ponuđača za Lot 2 je „Addiko Bank“ a.d. Banja Luka.

Lot 2 - Otvaranje i vođenje Depozitnog računa Trezora za prikupljanje neporeskih prihoda
Vrijednost okvirnog sporazuma bez uračunatog PDV-a iznosi **4.546,00 KM.**

Član 2

Postupak je proveden na osnovu Posebne odluke o pokretanju postupka javne nabavke broj: 13-000840/22 od 21.03.2022. godine, Obavještenja o nabavci na portalu javnih nabavki broj: 1157-1-2-187-3-233/22 od 29.03.2022. godine, specifikacije usluga u vezi sa Tenderskom dokumentacijom broj: 13-000840/22 i ponuda najpovoljnijih ponuđača.

Član 3

Sredstva za finansiranje iz člana 1. ove odluke su obezbijeđena za 2022. godinu iz sredstava

budžeta Brčko distrikta BiH za 2022 godinu, sredstava odobrenih odlukama o privremenom finansiranju Brčko distrikta BiH za 2023., 2024., 2025. i 2026. godinu, sa organizacionog koda 16030001 i ekonomskog koda 613800- rashodi osiguranja, bankovnih usluga i usluga platnog prometa.

Образложение

Komisija za nabavke je nakon izvršenog otvaranja ponuda konstatovala da su dostavljene tri ponude, sljedećih ponuđača: "Sberbank BH" d.d. Sarajevo, "Addiko bank" a.d. Banja Luka, "Ziraatbank BH" d.d. Brčko. Sastavni dio odluke čini zapisnik o pregledu i ocjeni ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Komisija je utvrdila da ponuđač "Ziraatbank BH" d.d. Brčko nije dostavio ovjerenu izjavu o ispunjenosti uslova iz člana 45, 47 i 52 Zakona o javnim nabavkama, te je isključen iz daljnje procedure. Komisija je ocijenila dostavljene ponude prihvatljivim i da postoje elementi neprirodno niske cijene u ponudi ponuđača „Addiko bank“ a.d. Banja Luka za koji je zahtijevano dostavljanje pojašnjenja od strane ponuđača. Ponuđač je dostavio pojašnjenje koje je komisija prihvatila. Nije bilo računskih greški u dostavljenim ponudama. Izvršena je e – aukcija i na Lotu 1 je došlo je do sniženja cijena u odnosu na cijene sa otvaranja ponuda, dok na Lotu 2 nije bilo sniženja cijena. Komisija je ustanovila da je najpovoljnija ponuda za oba lota u okviru procijenjene vrijednosti nabavke. Komisija za nabavke je na osnovu kriterija najniže cijene dostavila preporuku o izboru najpovoljnijih ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.



DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Direkciji za finansije
Trezor,
5. «Službenom glasniku Brčko distrikta BiH»,
6. Arhivi.